



Broj: X-KRŽ-06/299

Sarajevo, 07.09.2009. godine

Sud Bosne i Hercegovine, Odjel I za ratne zločine, po sudiji Dragomiru Vukoje, kao predsjedniku Apelacionog vijeća, u krivičnom predmetu protiv optuženog Kurtović Zijada, zbog krivičnog djela Ratni zločin protiv civilnog stanovništva iz člana 173. stava 1. tačke c), e) i f), krivičnog djela Ratni zločin protiv ratnih zarobljenika iz člana 175. stava 1. tačke a) i b), te krivičnog djela Povreda zakona ili običaja rata iz člana 179. stava 1. i 2. tačka d), u vezi sa članom 180. stav 1. te članom 29. i 53. stav 1. sve Krivičnog zakona Bosne i Hercegovine (KZ BiH), na osnovu člana 291. stav 1. Zakona o krivičnom postupku Bosne i Hercegovine (ZKP BiH), dana 07.09.2009.godine, donio je sljedeće:

R J E Š E N J E

Ispravlja se presuda ovog suda broj X-KRŽ-06/299 od 25.03.2009. godine na način da iza dijela **izreke** koji glasi: "Ratni zločin protiv civilnog stanovništva iz člana 142. stav 1." treba da stoji : "Krivičnog zakona SFRJ, koji je preuzet na osnovu", a iza riječi: "Zakona o primjeni Krivičnog zakona" treba da stoji: "Republike".

U **obrazloženju** presude u paragrafu broj 64. iza dijela rečenice koji glasi: "Ratni zločin protiv civilnog stanovništva iz člana 142. stav 1." treba da stoji: "Krivičnog zakona SFRJ koji je preuzet na osnovu" a iza dijela rečenice koji glasi: "Zakona o primjeni Krivičnog zakona", treba da stoji: "R BiH".

U ostalom dijelu navedena presuda ostaje neizmjenjena.

O b r a z l o ž e n j e

U krivičnom predmetu protiv optuženog Kurtović Zijada, Apelaciono vijeće je 25.03.2009. godine (broj X-KRŽ-06/299) donijelo drugostepenu presudu kojom je odbijena, kao neosnovana, žalba Tužilaštva BiH, dok je žalba branioca optuženog Kurtović Zijada djelimično uvažena pa je presuda ovog suda broj X-KR-06/299 od 30.04.2008. godine preinačena u pravnoj ocjeni i pravnoj kvalifikaciji djela.

Odlučujući po službenoj dužnosti, sud je utvrdio da je u navedenoj presudi, i to **u izreci i u obrazloženju** u paragrafu broj 64, napravljena očigledna tehnička greška u nepreciznom pozivanju na primijenjeni zakon.

Obzirom da se radi o očiglednoj pogreški u pisanju, koji propust predstavlja formalni (tehnički) nedostatak i ne mijenja sadržinu presude niti odluku koja je donesena, to je sud, primjenom odredbe člana 291. stav 1. ZKP BiH, odlučio kao u izreci ovog rješenja.

**PREDSJEDNIK VIJEĆA
SUDIJA
Dragomir Vukoje**

POUKA O PRAVNOM LIJEKU: Protiv ovog rješenja žalba nije dopuštena.